



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL

Komunikadu Imprensa

7 Marsu 2013

Timor Leste komemora Loron Internasionál ba Feto ‘Tempu ba asaun atu hapara violénsia kontra feto’

Iha 8 Marsu 2013 Timor-Leste selebra Loron Internasioál ba Feto nu’udar loron importante hodi fó rekoñesimentu ba kontribuisaun feto Timor-Leste no feto iha rai seluk no dezafiu ne’ebé sira enfrenta atu realiza igualdade. Tema ba loron mundiál feto tinan ida ne’e mak “Tempu ba asaun atu hapara violénsia kontra feto”.

Violénsia kontra feto nu’udar problema mundiál ne’ebé viola feto nia direitu ba seguransa no dignidade. Atu hapara violénsia hirak ne’e presiza kontribuisaun husi entidades hotu, liuliu husi governu sira.

Feto Timor Leste maka vulneráble tebe-tebes ba violénsia, hanesan violénsia doméstika no violénsia seksuál. Maiz ou menus porsentajen 38 (38%) feto Timor-Leste sei sofre violénsia fízika durante sira nia moris. Durante tinan ualu liu ba JSMP nia Unidade Justisa ba Feto observa katak maioria kazu ne’ebé julga iha tribunál maka kazu violénsia bazeia ba jenerú.

“Sitausaun ne’e sériu tebes no hatudu katak presiza duni servisu maka’as husi governu, sociedade sivil no povu Timor. La’os aseitavel katak feto Timor-Leste la bele moris livre husi violénsia,” dehan Direitór JSMP Luis de Oliveira Sampaio.

Ba komemorasaun loron importante ne’e JSMP kongratula feto hotu iha mundu liu-liu feto Timor-Leste ne’ebé mak sakrifika sira-nia an hodi proteje feto nia direitu no lori mudansa signifkante ba jersaun foun nia moris.

Atu hetan informasaun klean, favor kontaktu:

Luis de Oliveira Sampaio
Diretór Ezekutivu JSMP
E-mail: luis@jsmp.minihub.org
Landline: 3323883